

佛植衆德本既失目已受大苦惱各作是言
南無佛陀南無佛陀我等今者無有救護啼
哭號咷我時住在祇洹精舍聞其音聲即生
慈心時有涼風吹香山中種種香藥滿其眼
匡尋遂得眼如本不異諸賊開眼即見如來
住立其前而爲說法賊聞法已發阿耨多羅
三藐三菩提心善男子我於尔時實不作風
吹香山中種種香藥住其人前而爲說法善
男子當知皆是慈善根力令彼女人見如
事復次善男子琉璃太子以愚癡故廢其父
王自立爲主復念宿嫌多害釋種取萬二千

釋種諸女刑劓耳鼻斷截手足推之陁塗時

諸女人身受苦惱作如是言南無佛陀南無

佛陀我等今者無有救護復大號咷是諸女

人已於先佛種諸善根我於尔時在竹林中

聞其音聲即起慈心諸女尔時見我來至迦

毗羅城以水洗創以藥塗之苦痛尋除耳鼻

手足還復如本我時即爲略說法要悉令俱

發阿耨多羅三藐三菩提心即於大愛道比
丘尼所如法出家受具足戒善男子如來尔
時實不往至迦毗羅城以水洗創藥塗止苦
善男子當知皆是慈善根力令彼女人見如
是事悲喜之心亦復如是善男子以是義故
菩薩摩訥修慈思惟即是真實非虛妄也
善男子夫無量者不可思議菩薩所行不可
思議諸佛所行亦不可思議是大乘典大涅
槃經亦不可思議

大般涅槃經卷第十四

南本

大般涅槃經卷第十五

三藏晏無識譯梵沙門慧嚴集觀同謝靈運再治

大般涅槃經梵行品之二

復次善男子菩薩摩訥修慈悲喜已得住
極愛一子之地善男子云何此地名曰極愛
復名一子善男子辭如父母見子安隱心大

歡喜苦薩摩訶薩住是地中亦復如是視諸衆生同於一子見修善者生大歡喜是故此地名曰極愛善男子辭如父母見子遇患心生苦惱憫之愁毒初無捨離菩薩摩訶薩住是地中亦復如是見諸衆生爲煩惱病之所纏切心生愁惱憂念如子身諸毛孔血皆流是故此地名爲一子善男子如人小時拾取土塊穢物瓦石枯骨木枝置於口中父母見已恐爲其患左手捉頭右手挑出菩薩摩訶薩住是地中亦復如是見諸衆生法身未增或行身口意業不善菩薩見已則以智手拔之令出不欲令彼流轉生死受諸苦惱是故此地復名一子善男子辭如父母所愛之子捨而終亡父母愁惱願與并命菩薩亦爾見一闡提惱於地獄亦願與俱生地獄中何以故是一闡提若受苦時或生一念改悔之心我即當爲說種種法令彼得生一念善根是故此地復名一子善男子辭如父母唯有

一子其子睡寤行住坐卧心常念之若有罪咎善言誘喻不加其惡菩薩摩訶薩亦復如是見諸衆生若墮地獄畜生餓鬼或人天中造作善惡心常念之初不放捨若行諸惡終不生瞋以惡加之是故此地復名一子迦葉菩薩白佛言世尊如佛所說其言祕密我今智淺云何能解若諸菩薩住一子地能如是者云何如來昔爲國王行菩薩道時斷絕爾所婆羅門命若得此地則應護念若不得者復何因緣不墮地獄若使等視一切衆生同於子想如羅睺羅何故復向提婆達多說如是言癡人無羞食人涕唾令彼聞已生於瞋恨起不善心出佛身血提婆達多造是惡已如來復記當墮地獄一劫受罪世尊如是之言云何於義不相違背世尊須菩提者住虛空地凡欲入城求乞飲食要先觀人若有於己生嫌嫉心則止不行乃至極飢猶不行乞何以故是須菩提常作是念我憶往昔於福

田所生一惡念由是因緣墮大地獄受種種苦我今寧飢終日不食終不令彼於我起嫌墮於地獄受諸苦惱復作是念若有衆生嫌我立者我當終日端坐不起若有衆生嫌我坐者我當終日立不移處行卧亦爾是須菩提護衆生故尚起是心何況菩薩菩薩若得一子地者何緣如來出是龐言使諸衆生起重惡心佛告迦葉汝今不應作如是難言佛如來爲諸衆生作煩惱因緣善男子假使蟲觜能盡海底如來終不爲諸衆生作煩惱因緣善男子假令大地悉爲非色水爲堅相火爲冷相風爲住相三寶佛性及以虛空作無常相如來終不爲諸衆生作煩惱因緣善男子假使毀犯四重禁罪及一闡提謗正法者現身得成十力無畏三十二相八十種好如來終不爲諸衆生作煩惱因緣善男子假使聲聞辟支佛等常住不變如來終不爲諸衆生作煩惱因緣善男子假使十住諸菩薩等

犯四重禁作一闡提謗正法如來終不爲諸衆生作煩惱因緣善男子假使一切無量衆生斷滅佛性如來究竟入般涅槃如來終不爲諸衆生作煩惱因緣善男子假使令擲罥能繫縛風齒能破鐵爪壞須彌如來終不爲諸衆生作煩惱因緣寧與毒蛇同共一處內

公南本十五

三

其兩手餓師子口怯陀羅炭用洗浴身不應發言如來世尊爲諸衆生作煩惱因緣善男子如來真實能爲衆生斷除煩惱終不爲作煩惱因緣善男子如汝所言如來往昔殺婆羅門者善男子菩薩摩訶薩乃至蠻子尚不故殺況婆羅門菩薩常作種種方便惠施衆生無量壽命善男子夫施食者則爲施命菩薩摩訶薩行檀波羅蜜時常施衆生無量壽命善男子修不殺戒得壽命長菩薩摩訶薩行尸波羅蜜時則爲施與一切衆生無量壽命善男子慎口無過得壽命長菩薩摩訶薩行羼提波羅蜜時常勸衆生莫生怨想推直

於人引曲向已無所爭訟得壽命長是故菩薩行羼提波羅蜜時已施衆生無量壽命善男子精勤修善得壽命長菩薩摩訶薩行毘梨耶波羅蜜時常勸衆生勤修善法衆生行已得無量壽是故菩薩行毘梨耶波羅蜜時已施衆生無量壽命善男子修攝心者得壽

命長菩薩摩訶薩行禪波羅蜜時勸諸衆生修平等心衆生行已得壽命長是故菩薩行禪波羅蜜時已施衆生無量壽命善男子於諸善法不放逸者得壽命長菩薩摩訶薩行般若波羅蜜時勸諸衆生於諸善法不生放逸衆生行已以是因緣得壽命長是故菩薩行般若波羅蜜時已施衆生無量壽命善男子以是義故菩薩摩訶薩於諸衆生終無奪命善男子汝向所問殺婆羅門時得是地不善男子我時已得以愛念故斷其命根非惡心也善男子辭如父母唯一子愛之甚重犯官憲制是時父母以怖畏故若擯若殺

雖復擯殺無有惡心菩薩摩訶薩爲護正法亦復如是若有衆生謗大乘者即以鞭撻苦加治之或奪其命欲令改往遵修善法菩薩意常作是思惟以何因緣能令衆生發起信心隨其方便要當爲之諸婆羅門命終之後生阿鼻地獄即有三念一者自念我從何處公南本十五四

而來生此即自知從人道中來二者自念我今所生爲是何處即便自知是阿鼻獄三者自念乘何業緣而來生此即便自知乘謗方等大乘經典不信因緣爲國主所殺而來生此念是事已即於大乘方等經典生信敬心尋時命終生甘露鼓如來世界於彼壽命具足十劫善男子以是義故我於往昔乃與是人十劫壽命云何名殺善男子若人掘地刈草斫樹斬截死尸罵詈鞭撻以是業緣墮地獄不迦葉菩薩白佛言世尊如我解佛所說義者應墮地獄何以故如佛昔爲聲聞說法汝諸比丘於諸草木莫生惡心何以故一切

衆生因惡心故墮於地獄。爾時佛讚迦葉曰：「菩薩善哉！善哉！如汝所說應善受持。善男子若因惡心墮地獄者，菩薩爾時實無惡心。何以故？菩薩摩訶薩於一切衆生乃至蟲蟻悉生憐憫利益心。故所以者何？善知因緣諸方便故，以方便力欲令衆生種諸善根。善男子以是義故，我於尔時以善方便雖奪其命而非惡心。善男子婆羅門法若殺蟻子滿足十車無有罪報。蟲蟻蠶蟻貓子師子虎狼熊羆諸惡蟲獸及餘能爲衆生害者殺滿十車鬼神羅刹拘槃茶迦羅富單那顛狂乾枯諸鬼神等能爲衆生作娆害者，斬奪其命悉無罪報。」

南本十五五

若殺惡人則有罪報。殺已不悔則墮餓鬼。若能懺悔三日斷食其罪消滅無有遺餘。若和尚及其父母女人及牛無數千年在地獄中。善男子佛及菩薩知殺有三謂下中上者。蟲子乃至一切畜生唯除菩薩示現生者善男子菩薩摩訶薩以願因緣示受畜生是名。

下殺以下殺因緣墮於地獄畜生餓鬼具受苦何以故？是諸畜生有微善根是故殺者具受罪報是名下殺。中殺者從凡夫人至阿那含是名爲中以是業因墮於地獄畜生餓鬼具受中苦是名中殺。上殺者父母乃至阿羅漢辟支佛畢定菩薩是名爲上以是業因墮於阿鼻大地獄中具受上苦是名上殺。善男子若有能殺一闡提者則不墮此三種殺中善男子彼諸婆羅門等一切皆是一闡提也。譬如掘地刈草斫截死尸罵詈鞭撻無有罪報殺一闡提亦復如是無有罪報。何以故？諸婆羅門乃至無有信等五法是故雖殺不墮地獄。善男子汝上所言如來何故罵提婆達多癡人食唾汝亦不應作如是難何以故？諸佛世尊凡所發言不可思議。善男子或有實語爲世所愛非時非法不爲利益。如是之言我終不說。善男子或復有言麤擴虛妄非時非法聞者不愛不能利益我亦不說。

善男子若有語言雖復龐曠真實不虛是時
是法能爲一切衆生利益聞雖不悅我要說
之何以故諸佛世尊應正徧知知方便故善
男子如我一時游彼曠野聚落叢樹在其林
下有一鬼神即名曠野純食肉血多殺衆生
復於其聚日食一人善男子我於尔時爲彼

鬼神廣說法要然彼暴惡愚癡無智不受教
法我即化身爲大力鬼動其宮殿令不安所
彼鬼子時將其眷屬出其宮殿欲來距逆鬼
見我時即失心念惶怖躰地迷悶斷絕猶如
死人我以慈憫手摩其身即還起坐作如是
言快哉今日還得身命是大神王具大威德

六
公南本十五

有慈憫心赦我愆咎即於我所生善信心我
即還復如來之身復更爲說種種要法令彼
鬼神受不殺戒即於是日曠野村中有一長
者次應當死村人已送付彼鬼神鬼神得已
即以施我我既受已便爲長者更立名字名
手長者尔時彼鬼即白我言世尊我及眷屬

唯仰血肉以自存活今已受戒當何資立我
即答言從今當勑聲聞弟子隨有修行佛法
之處悉當令其施汝飲食善男子以是因緣
爲諸比丘制如是戒汝等從今常當施彼曠
野鬼食若有住處不能施者當知是輩非我
弟子即是天魔徒黨眷屬善男子如來爲欲
調伏衆生故示如是種種方便非故令彼生
怖畏也善男子我亦以木打護法鬼又於一
時在一山上推羊頭鬼令墮山下復於樹頭
撲護獮猴鬼令護財象見五師子使金剛神
怖薩遮尼捷亦以針刺箭毛鬼身雖作如是
亦不令彼諸鬼神等有殘滅者直欲令彼安

住正法故示如是種種方便善男子我於尔
時實不罵辱提婆達多提婆達多亦不愚癡
食人喙唾亦復不生惡趣之中阿鼻地獄受
罪一劫亦不壞僧出佛身血亦不違犯四重
之罪誹謗正法大乘經典非一闡提亦非聲
聞辟支佛也善男子提婆達者實非聲聞緣

七
公南本十五

覺境界唯是諸佛之所知見善男子是故汝今不應難言如來何緣訶責罵辱提婆達也汝於諸佛所有境界不應如是生於疑網迦葉菩薩白佛言世尊辭如甘蔗數數煎煮得種種味我亦如是從佛數聞多得法味所謂出家味離欲味寂滅味道味世尊辭如真金數數燒打融消鍊治轉更明淨調和柔軟光色微妙其價難量然後乃爲人天寶重世尊如來亦爾鄭重詰問則得聞見甚深之義今深行者受持奉修無量衆生發阿耨多羅三藐三菩提心然後爲諸人天所宗恭敬供養尔時佛讚迦葉菩薩善哉善哉菩薩摩訶薩爲欲利益諸衆生故詰啓如來如是深義善男子以是義故我隨汝意說大乘方等甚深秘法所謂極愛如一子地迦葉菩薩白佛言世尊若諸菩薩修慈悲喜得一子地者修捨心時復得何地佛言善哉善哉善男子汝善知時知我欲說汝則詰問菩薩摩訶薩修捨心時

則得住於空平等地如須菩提善男子菩薩摩訶薩住空平等地則不見有父母兄弟姊妹兒息親族知識怨親中人乃至不見陰界諸入衆生壽命善男子譬如虛空無有父母兄弟妻子乃至無有衆生壽命一切諸法亦復如是無有父母乃至壽命菩薩摩訶薩見一切法亦復如是其心平等如彼虛空何以故善能修習諸空法故迦葉菩薩白佛言世尊云何名空善男子空者所謂內空外空內外空有爲空無爲空無始空性空無所有空第一義空空空大空菩薩摩訶薩云何觀於內空是菩薩摩訶薩觀內法空是內法空謂無父母怨親中人衆生壽命常樂我淨如來法僧所有財物是內法中雖有佛性而是佛性非內非外所以者何佛性常住無變易故是名菩薩摩訶薩觀於內空外空者亦復如是無有內法內外空者亦復如是善男子唯有如來法僧佛性不在二空何以故如是四

法常樂我淨是故四法不名爲空是名內外俱空善男子有爲空者有爲之法悉皆是空所謂內空外空內外空常樂我淨空衆生壽命如來法僧第一義空是中佛性非有爲法是故佛性非有爲法空是名有爲空善男子云何菩薩摩訶薩觀無爲空是無爲法悉皆

是空所謂無常苦不淨無我陰界入衆生壽命相有爲有漏內法外法無爲法中佛等四法非有爲非無爲性是善故非無爲性常住故非有爲是名菩薩觀無爲空云何菩薩摩訶薩觀無始空是菩薩摩訶薩見生死無始皆悉空寂所謂空者常樂我淨皆悉空寂無有變易衆生壽命三寶佛性及無爲法是名菩薩觀無始空云何菩薩觀於性空是菩薩摩訶薩觀一切法本性皆空謂陰界入常無常苦樂淨不淨我無我觀如是等一切諸法不見本性是名菩薩摩訶薩觀於性空云何菩薩摩訶薩觀無所有空如人無子言舍宅

空畢竟觀空無有親愛愚癡之人言諸方安貧窮之人言一切空如是所計或空或非空菩薩觀時如貧窮人一切皆空是名菩薩摩訶薩觀無所有空云何菩薩摩訶薩觀第一義空善男子菩薩摩訶薩觀第一義時是眼生時無所從來及其滅時去無所至本無今

公南本十五

九

有已有還無推其實性無眼無主如眼一切諸法亦復如是何等名爲第一義空有業有報不見作者如是空法名第一義空是名菩薩摩訶薩觀第一義空云何菩薩摩訶薩觀於空空是空空中乃是聲聞辟支佛等所迷沒處善男子是有是無是名空空是是非是名空空善男子十住菩薩尚於是中通達少分猶如微塵況復餘人善男子如是空空亦不同於聲聞所得空空三昧是名菩薩觀於空空善男子云何菩薩摩訶薩觀於大空善男子言大空者謂般若波羅蜜是名大空善男子菩薩摩訶薩得如是空門則得住於

虛空等地善男子我今於是大眾之中說如是等諸空義時有十恒河沙菩薩摩訶薩即得住於虛空等地善男子菩薩摩訶薩住是地已於一切法中無有滯閼繫縛拘執心無迷悶以是義故名虛空等地善男子辭如虛空於可愛色不生貪著不受色中不生瞋恚菩薩摩訶薩住是地中亦復如是於好惡色心無貪恚善男子辭如虛空廣大無對悉能容受一切諸物菩薩摩訶薩住是地中亦復如是廣大無對悉能容受一切諸法以是義故復得名爲虛空等地善男子菩薩摩訶薩住是地中於一切法亦見亦知若行若緣若性若相若因若緣若衆生心若根若禪定若乘若善知識若持禁戒若所施如是等法一切知見復次善男子菩薩摩訶薩住是地中知而不見云何爲知知自餓法投淵赴火自墜高巖常翹一脚五熱炙身常卧灰土棘刺編椽樹葉惡草牛糞之上衣麤麻衣塚間所

弃糞婦毘毘欽婆羅衣麤鹿皮革芻草衣裳茹菜啖果藕根油滓牛糞根果若行乞食限從一家主若言無即便捨去設復還喚終不迴顧不食葢肉五種牛味常所飲服糠汁沸湯受持牛戒雞狗雉戒以灰塗身長髮爲相以羊祠天先呪後殺四月事火七日服風百千億華供養諸天諸所欲願因此成就如是等法能爲無上解脫因者無有是處是名爲知云何不見菩薩摩訶薩不見一人行如是法得正解脫是名不見復次善男子菩薩摩訶薩亦見亦知何等爲見見諸衆生行是邪法必墮地獄是名爲見云何爲知知諸衆生從地獄出生於人中若能修行檀波羅蜜乃至具足諸波羅蜜是人必得入正解脫是名爲知復次善男子菩薩摩訶薩復有亦見亦知云何爲見見常無常苦樂淨不淨我無我是名爲見云何爲知知諸如來定不畢竟入涅槃知如來身金剛無壞非是煩惱所成

公南本十五

十

就身又非臭穢腐敗之身亦復能知一切衆生悉有佛性是名爲知復次善男子菩薩摩訶薩復有亦知亦見云何爲知知是衆生心信成就知是衆生求於大乘是人順流是人逆流是人正住知是衆生已到彼岸順流者謂凡夫人逆流者從須陀洹乃至緣覺正住

者諸菩薩等到彼岸者所謂如來應供正徧知是名爲知云何爲見菩薩摩訶薩住於大乘大涅槃典修梵行心以淨天眼見諸衆生造身口意三業不善墮於地獄畜生餓鬼見諸衆生修善業者命終當生天上人中見諸衆生從闇入闇有諸衆生從闇入明有諸衆生從明入闇有諸衆生從明入明是名爲見復次善男子菩薩摩訶薩復有亦知亦見菩薩摩訶薩知諸衆生修身修戒修心修慧是人今世惡業成就或因貪欲瞋恚愚癡是業必應地獄受報是人直以修身修戒修心修慧現世輕受不墮地獄云何是業能得現報

愧悔發露所有諸惡既悔之後更不敢作慚愧成就故供養三寶故常自訶責故是人以是善業因緣不墮地獄現世輕報所謂頭痛目痛腹痛背痛橫羅死殃訶責罵辱鞭杖閉繫飢餓困苦受如是等現世輕報是名爲知云何爲見菩薩摩訶薩見如是人不能修習身戒心慧造少惡業此業因緣應現受報是人少惡不能懺悔不自訶責不生慚愧無有怖懼是業增長地獄受報是名爲見復有知而不見云何知而不見知諸衆生皆有佛性爲諸煩惱之所覆蔽不能得見是名知而不見復有知而少見十住菩薩摩訶薩等知諸衆生皆有佛性見不明了猶如闇夜所見不了復有亦見亦知所謂諸佛如來亦見亦知復有亦見亦知不知亦見亦知者所謂世間文字言語男子車乘鉢盆舍宅城邑衣裳飲食山河園林衆生壽命是名亦見亦知云何不見不知聖人所有微密之語無有男

女乃至園林是名不見不知復有知而不見知所惠施知所供處知於受者知因果報是名爲知云何不見不見所施供處受者及以果報是名不見菩薩摩訶薩知有八種即是如來五眼所知迦葉菩薩白佛言世尊菩薩摩訶薩能如是知得何等利佛言善男子菩薩摩訶薩能如是知得四無闇法無闇義無闇詞無闇樂說無闇法無闇者知一切法及法名字義無闇者知一切法所有諸義能隨諸法所立名字而爲作義詞無闇者隨字論正音論闡陀論世辯論樂說無闇者所謂菩薩摩訶薩凡所演說無有障礙不可動轉無

公南本十五十三

所畏懼難可摧伏善男子是名菩薩能如是見知即得如是四無闇智復次善男子法無闇者菩薩摩訶薩徧知聲聞緣覺菩薩諸佛之法義無闇者乘雖有三知其歸一終不謂有差別之相詞無闇者菩薩摩訶薩於一法中作種種名經無量劫說不可盡聲聞緣覺

能作是說無有是處樂說無闇者菩薩摩訶薩於無量劫爲諸衆生演說諸法若名若義種種異說不可窮盡復次善男子法無闇者菩薩摩訶薩雖知諸法而不取著義無闇者菩薩摩訶薩雖知諸義而不取著詞無闇者菩薩摩訶薩雖知名字而亦不著樂說無闇者菩薩摩訶薩雖知樂說如是最上而亦不著何以故善男子若取著者不名菩薩迦葉菩薩復白佛言世尊若不取著則不知法若知法者則是取著若知不著則無所知云何如來說言知法而不取著佛言善男子夫取著者不名無闇無所取著乃名無闇善男子是故一切諸菩薩等有取著者則無無闇若無無闇不名菩薩當知是人名爲凡夫何故取著名爲凡夫一切凡夫取著於色乃至著識以著色故則生貪心生貪心故爲色繫縛乃至爲識之所繫縛以繫縛故則不得免生老病死優悲大苦一切煩惱是故取著名爲

公南本十五十三

凡夫以是義故一切凡夫無四無闇善男子菩薩摩訶薩已於無量阿僧祇劫知見法相以知見故則知其義以見法相及知義故而於色中不生繫著乃至識中亦復如是以不著故菩薩於色不生貪心乃至識中亦不生貪以無貪故則不爲色之所繫縛乃至不爲識之所縛以不縛故則能得脫生老病死憂悲大苦一切煩惱以是義故一切菩薩得四無闇善男子以是因緣我爲弟子十二部中說繫著者名爲魔縛若不著者則脫魔縛譬如世間有罪之人爲王所縛無罪之人王不能縛菩薩摩訶薩亦復如是有繫著者爲魔所縛無繫著者魔不能縛以是義故菩薩摩訶薩而無所著復次善男子法無闇者菩薩摩訶薩善知字持而不忘失所謂持者如地如山如眼如雲如人如母一切諸法亦復如是義無闇者菩薩雖知諸法名字而不知義得義無闇則知其義云何知義謂地持者如

地普持一切衆生及非衆生以是義故名地爲持善男子謂山持者菩薩摩訶薩作是思惟以何義故名山爲持山能持地令無傾動是故名持何名眼持眼能持光故名爲持何名雲持雲名龍氣龍氣持水故名爲持何名人持人能持法及以非法故名爲持何名母名雲持雲名龍氣龍氣持水故名爲持何名母持母能持子故名爲持菩薩摩訶薩知一切法名字句義亦復如是詞無闇者菩薩摩訶薩以種種詞演說一義亦無有義猶如男女舍宅車乘衆生等名何故無義善男子夫義者乃是菩薩諸佛境界詞者凡夫境界以知義故得詞無闇樂說無闇者菩薩摩訶薩知詞知義故於無量阿僧祇劫說詞說義而不可盡是名樂說無闇善男子菩薩於無量無邊阿僧祇劫修行世諦以修行故知法無闇復於無量阿僧祇劫修第一義諦故得義無闇亦於無量阿僧祇劫習毗伽羅論故得詞無闇亦於無量阿僧祇劫修習說世辯論故

得樂說無闇善男子聲聞緣覺若有得是四無闇者無有是處善男子九部經中我說聲聞緣覺之人有四無闇聲聞緣覺真實無有何以故菩薩摩訶薩爲度衆生故修如是四無闇智緣覺之人修寂滅法志樂獨處若化衆生但現神通終日默然無所宣說云何當有四無闇智何故默然而無所說緣覺不能說法度人令得煩法頂法卅第一法須陀洹斯陀含阿那含阿羅漢辟支佛菩薩摩訶薩不能令人發阿耨多羅三藐三菩提心何以故善男子緣覺出世世間無有九部經典是故緣覺無詞無闇樂說無闇善男子緣覺之人雖知諸法無法無闇何以故法無闇者名爲知字緣覺之人雖知文字無字無闇何以故不知當住二字故是故緣覺不得法無闇雖知於義無義無闇真知義者知諸衆生悉有佛性佛性義者名爲阿耨多羅三藐三菩提以是義故緣覺之人不得義無闇是故緣

覺一切無有四無闇智云何聲聞无四無闇者必須要語然後受法二者必須龐語然後受化三者不與不龐然後受化聲聞之人無此三故無四無闇復次聲聞緣覺不能畢竟知詞知義無自在智知於境界無有十力四無所畏不能畢竟度彼十二因緣大海不能善知衆生諸根利鈍差別未能永斷二諦疑心不知衆生種種諸心所緣境界不能善說第一義空是故二乘無四無闇迦葉菩薩白佛言卅尊若諸聲聞緣覺之人一切無有四無闇者云何卅尊說舍利弗智慧第一大目犍連神通第一摩訶拘繯羅四無闇第一若其無者如來何故作如是說尔時卅尊讚迦葉言善哉善哉善男子譬如恒河有無量水辛頭大河水亦無量博叉大河水亦無量私陀大河水亦無量阿耨達池水亦無量大海之中水亦無量如是諸水雖同無量然其多

公南本十五

十五

少其實不等聲聞緣覺及諸菩薩四無闇智亦復如是善男子若說等者無有是處善男子我爲凡夫說摩訶拘緜羅四無闇智爲最第一汝所問者其義如是善男子聲聞之人或有得一或有得二若具足四無有是處迦葉白佛言世尊如佛上說梵行品中菩薩知見得四無闇者菩薩知見則無所得亦無有心言無所得世尊是菩薩摩訶薩實無所得若使菩薩心有得者則非菩薩名爲凡夫云何如來說言菩薩而有所得佛言善男子善哉善哉我將欲說而汝復問善男子菩薩摩訶薩實無所得無所得者名四無闇善男子以何義故無所得者名爲無闇若有得者則名爲闇有障闇者名四眞倒善男子菩薩摩訶薩無四倒故故得無闇是故菩薩名無所得復次善男子無所得者則名爲慧善薩摩訶薩得是慧故名無所得有所得者名爲無明菩薩求斷無明闇故故無所得是故菩薩

名無所得復次善男子無所得者名大涅槃菩薩摩訶薩安住如是大涅槃中不見一切諸法性相是故菩薩名無所得有所得者名二十五有菩薩永斷二十五有得大涅槃是故菩薩名無所得復次善男子無所得者名爲大乘菩薩摩訶薩不往諸法故得大乘是大
公南本十五

故菩薩名無所得有所得者名爲聲聞辟支佛道菩薩永斷二乘之道故得佛道是故菩薩名無所得復次善男子無所得者名方等經菩薩讀誦如是經故得大涅槃是故菩薩名無所得有所得者名十一部經菩薩不修純說方等大乘經典是故菩薩名無所得復次善男子無所有者名爲虛空世間無物名爲虛空菩薩得是虛空三昧無所見故是故菩薩名無所得有所得者名生死輪一切凡夫輪迴生死故有所見菩薩永斷一切生死是故菩薩名無所得復次善男子無所得者名常樂我淨菩薩摩訶薩見佛性故得常樂

我淨是故菩薩名無所得有所得者名無當
無樂無我無淨菩薩摩訶薩斷是無常無樂
無我無淨是故菩薩名無所得復次善男子
無所得者名第一義空菩薩摩訶薩觀第一
義空悉無所見是故菩薩名無所得有所得
者名爲五見菩薩永斷是五見故得第一義
空是故菩薩名無所得復次善男子無所得
者名爲阿耨多羅三藐三菩提菩薩摩訶薩
得阿耨多羅三藐三菩提時悉無所見是故
菩薩名無所得有所得者名聲聞緣覺菩提
菩薩永斷二乘菩提是故菩薩名無所得善
男子汝之所問亦無所得我之所說亦無所
父商本十五
得若說有得是魔眷屬非我弟子迦葉白佛
言世尊爲我說是菩薩無所得時無量衆生
斷有相心以是事故我敢諮詢無所得義今
如是等無量衆生離魔眷屬爲佛弟子迦葉
菩薩白佛言世尊如來上爲純陀說偈
本有今無本無今有三世有法無有是處

世尊是義云何佛言善男子我爲化度諸衆
生故而作是說亦爲聲聞辟支佛故而作是
說亦爲文殊師利法王子故而作是說不但
正爲純陀一人說是偈也時文殊師利將欲
問我我知其心而爲說之我既說已文殊師
利即得解了迦葉菩薩言世尊如文殊等詎
有幾人能了是義惟願如來更爲大衆廣分
別說善男子諦聽諦聽今當爲汝重敷演之
言本有者我昔本有無量煩惱以煩惱故現
在無有大般涅槃言本無者本無般若波羅
蜜以無般若波羅蜜故現在具有諸煩惱結
若有沙門若婆羅門若天若魔若梵若人說
十七
言如來去來現在有煩惱者無有是處復次
善男子言本有者我昔本有父母和合之身
是故現在無有金剛微妙法身言本無者我
身本無三十二相八十種好以本無有三十
二相八十種好故現在具有四百四病若有
沙門若婆羅門若天若魔若梵若人說言如

來去來現在有病苦者無有是處復次善男子言本有者我昔本有無常無樂無淨我無淨以有無常無我無樂無淨故現在無有阿耨多羅三藐三菩提言本無者本不見佛性以不見故無常樂我淨若有沙門若婆羅門若天若魔若梵若人說言如來去來現在無常樂我淨者無有是處復次善男子言本有者本有凡夫修苦行心謂得阿耨多羅三藐三菩提以是事故現在不能破壞四魔言本無者本無六波羅密以無六波羅密故修行凡夫苦行之心謂得阿耨多羅三藐三菩提若有沙門若婆羅門若天若魔若梵若人說言

公南本十五

十六

如來去來現在有苦行者無有是處復次善男子言本有者我昔本有雜食之身以有食身故現在無有無邊之身言本無者本無三十七助道之法以無三十七助道法故現在具有雜食之身若有沙門若婆羅門若天若魔若梵若人說言如來去來現在有食身者

無有是處復次善男子言本有者我昔本有一切法中取著之心以是事故現在無有畢竟空定言本無者我本無有中道實義以無中道真實義故於一切法則有著心若有沙門若婆羅門若天若魔若梵若人說言如來去來現在說一切法是有相者無有是處復次善男子言本有者我初得阿耨多羅三藐三菩提時有諸鈍根聲聞弟子以有鈍根聲聞弟子故不得演說一乘之實言本無者本無利根人中象王迦葉菩薩等以無利根迦葉等故隨宜方便開示三乘若有沙門若婆羅門若天若魔若梵若人說言如來去來現在畢竟演說三乘法者無有是處復次善男子言本有者我本說言却後三月於婆羅雙樹當般涅槃是故現在不得演說大方等典大般涅槃言本無者本昔無有文殊師利大菩薩等以無有故現在說言如來無常若有沙門若婆羅門若天若魔若梵若人說言如

公南本十五

十九

來去來現在是無常者無有是處善男子如來曾爲諸衆生故雖知諸法說言不知雖見諸法說言不見有相之法說言無相無相之法說言有相實有無常說言有常實有有常說言無常我樂淨等亦復如是三乘之法說言一乘一乘之法隨宜說三略相說廣廣相說略四重之法說偷蘭遮偷蘭遮法說爲四重犯說非犯非犯說犯輕罪說重重罪說輕何以故如來明見衆生根故善男子如來雖作是說終無虛妄何以故虛妄之語即是罪過如來悉斷一切罪過云何當有虛妄語耶善男子如來雖無虛妄之言若知衆生因虛妄說得法利者隨宜方便則爲說之善男子一切世諦若於如來即是第一義諦何以故諸佛出尊爲第一義故說於世諦亦令衆生得第一義諦若使衆生不得如是第一義者諸佛終不宣說世諦善男子如來有時演說世諦衆生謂佛說第一義諦有時演說第一

義諦衆生謂佛說於世諦是則諸佛甚深境界非是聲聞緣覺所知善男子是故汝先不應難言菩薩摩訶薩無所得也菩薩常得第一義諦云何雖言無所得耶迦葉復言世尊第一義諦亦名爲道亦名菩提亦名涅槃若有菩薩言有得道菩提涅槃即是無常何以故法若常者則不可得猶如虛空誰有得者世尊如出間物本無今有名爲無常道亦如是道若可得則名無常法若常者無得無生猶如佛性無得無生世尊夫道者非色非不色不長不短非高非下非生非滅非赤非白非青非黃非有非無云何如來說言可得菩提涅槃亦復如是佛言如是如是善男子道有二種一者常二者無常菩提之相亦有二種一者常二者無常涅槃亦爾外道道者名爲無常內道道者名之爲常聲聞緣覺所有菩提名爲無常菩薩諸佛所有菩提名之爲常外解脫者名爲無常內解脫者名之爲常

公南本十五
提涅槃亦復如是佛言如是如是善男子道有二種一者常二者無常菩提之相亦有二種一者常二者無常涅槃亦爾外道道者名爲無常內道道者名之爲常聲聞緣覺所有菩提名爲無常菩薩諸佛所有菩提名之爲常外解脫者名爲無常內解脫者名之爲常

善男子道與菩提及以涅槃悉名爲常一切衆生常爲無量煩惱所覆無慧眼故不能得見而諸衆生爲欲見故修戒定慧以修行故見道菩提及以涅槃是名菩薩得道菩提涅槃道之性相實不生滅以是義故不可捉持善男子道者雖無色像可見稱量可知而實

有用善男子如衆生心雖非是色非長非短非麤非細非縛非解非是見法而亦是有以是義故我爲須達說言長者心爲城主若不護心則不護身口若護心者則護身口以不善護是身口故令諸衆生到三惡趣護身口者則令衆生得人天涅槃得名真實不得者名不真實善男子道與菩提及以涅槃亦復如是亦有亦常若其無者云何能斷一切煩惱以其有故一切菩薩了了見知善男子見有二種一相貌見二了了見云何相貌見如遠見烟名爲見火實不見火雖不見火亦非虛妄見空中鶴便言見水雖不見水亦非虛妄

妄如見華葉便言見根雖不見根亦非虛妄如人遙見蘿間牛角便言見牛雖不見牛亦非虛妄如見女人懷妊便言見欲雖不見欲亦非虛妄又如見樹生葉便言見雨雖不見雨亦非虛妄又如見雲便言見雨雖不見雨亦非虛妄如見身業及以口業便言見心雖不見心亦非虛妄是名相貌見云何了了見如眼見色善男子如人眼根清淨不壞自觀掌中阿摩勒果菩薩了了見道菩提涅槃亦復如是雖如是見初無見相善男子以是因緣我於往昔告舍利弗舍利弗一切世間若有沙門若婆羅門若天若魔若梵若人所不知見不覺唯有如來悉知見覺及諸菩薩亦復如是舍利弗若諸世間所知見覺我與菩薩亦知見覺世間衆生之所不知不見不覺亦不自知不知見覺世間衆生所知見覺便自說言我知見覺舍利弗如來一切悉知見覺亦不自言我知見覺一切菩薩亦復如

是何以故若使如來作知見覺相當知是則
非佛世尊名爲凡夫菩薩亦爾

大般涅槃經卷十五

大般涅槃經卷第十六 南本

公六

三藏曇無讖譯梵語慧嚴慧觀同謝靈運再治

大般涅槃經梵行品之三

迦葉菩薩言如佛世尊爲舍利弗說世間知

者我亦得知世間不知我亦悉知其義云何

善男子一切世間不知不見不覺佛性若有

知見覺佛性者不名世間名爲菩薩世間之

人亦復不知不見不覺十二部經十二因緣

四倒四諦三十七品阿耨多羅三藐三菩提

大般涅槃若知見覺者不名世間當名菩薩

善男子是名世間不知見覺云何世間所知
見覺所謂梵天自在天八斛天性時微塵法

說一切世間不知見覺菩薩悉能知見覺者

及非法是造化主世界終始斷常二見說言
初禪至非非想名爲涅槃善男子是名世間
所知見覺菩薩摩訶薩於如是事亦知見覺
菩薩如是知見覺已若言不知不見不覺是
爲虛妄虛妄之法則爲是罪以是罪故惱於
地獄善男子若男若女若沙門若婆羅門說

言無道菩提涅槃當知是輩名一闡提魔之
眷屬名爲謗法如是謗法名謗諸佛如是之
人不名世間不名非世間余時迦葉聞是事
已即以偈頌而讚歎佛

大慈憫衆生 故令我歸依 善拔衆毒箭
故稱大醫王 世醫所療治 雖差還復生
如來所治者 畢竟不復發 世尊甘露藥
以施諸衆生 衆生既服已 不死亦不生
如來今爲我 演說大涅槃 衆生聞祕藏
即得不生滅

迦葉菩薩說是偈已即白佛言世尊如佛所
說一切世間不知見覺菩薩悉能知見覺者